



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Annvs Diervm Memorabilivm Societatis Iesv. Sive  
Commentarius quotidianae virtutis, notabilem vnius, vel  
plurium in Societate vitâ functorum, virtute quapiam  
insignium memoriam in menses diesque ...**

**Nádasi, János**

**Antverpiae, 1665**

XXV. Die Ivlíi.

**urn:nbn:de:hbz:466:1-9625**

## XXV. DIE IVLII.

P. BALTHASAR

ALVAREZ.

MATTHIAS

MARIUS SCHOL.

17. Julij Hispanus Bel monti 1580. etat. 47. Soc. 25.

Sacrum.

S. Ioseph.

27.

Constantia in bene copiu.

Imago. B.V. Medusa.

S. P. Ignat. Meri.

**M**agna fuit huius viri tam cum Deo quam cum hominibus loquentis efficacitas ad impetrandum, accendendum, persuadendum. Inter sacrificandum S. Theresia vidit illum splendore coronatum. Eadem illum in eminentissimo quodam virtutis eminentissimæ fastigio esse intellexit inter eos, qui tunc vivebant. In domo lauretana Beatissima Virgo illi singularem erga S. Iosephum cultum, pietatem, ut fama est, eximie commendavit. Ad S. Mariæ maioris imaginem, quam secum Roma allatam in tyronum sacrario collocarat, noctes totas aliquando pervigilatione sanctâ duxit. Dæmon illum iam inde ab ineunte tyrocinio turbans, quietem illi promisit, si in B. Virginis cultu relanguesceret. *Remitte, inquit, tu; & ego remittam: præcipue erga istam feminam, quam dicunt Mariam.* Sed Balthasar eò in illa percolenda exarsit flagrantius. In B.V. imagine (quam secum gestabat semper) aspicienda, ne feminas in quodam spectaculo aspiciere cogere, plures horas consumpsit. Sui odium, & diuinus amor, quantus in eo fuerit, illius epistolæ, discipuli, quibus dux fuit ad sanctimoniam, luculenta sunt documenta. Moriæ S. P. Ignatius, & Angeli adfuere ut fama est, lectulo circumfusi. Plura de illo in vita ad annum 1580.

**I**ngolstadij Philosophiæ operam Inauanti Matthiæ, in horto stellæ quædam visæ; ac penes illarum vnâ Virgo Deipara radiis & ipsa vndeque collucens materno vultu in Matthiam iucundè amanterque conuerso. Post paulò æger Landspergam missus, ibi eò, ut spes est, abiit quò illum stellæ, quoque Virgo Regina stellarum, & cæli, vultu illo amabili præmonens, inuitarat.

Germanus Landspergæ 25. Julij 1581. Soc. 4. B.V.

P. MARTINVS  
BENEDICTVS.

**Q**uicquid illi dabatur in mandatis acurate id ab eo perficiendum securus erat superior, nullâ eius curæ parte sibi retentâ. De se abiectè sentiebat: idque non obscuris argumentis ita testabatur, ut verè illius linguam & vultum ab humili eius corde non dissentire indubitatum esset. Ad singulas horas ignea quædam suspiria vibrabat in cælum, & habebat id egregia internæ flammæ alendæ industria, neruoque rerum religiosè, ac bene agendarum Heroicæ peste laborantium adiuuandorum palestræ semel superstes, in eadem iterum aditâ cecidit felix victima charitatis. Plura de illo dixi in albo Heroum.

Moravus Pragæ 25. Julij 1649. etat. 53. Soc. 30. Obed. Humil.

Sing. horis. Oratio

Charitas.

G G

P. GVI.

## P. GUILIELMVS

ROSE.

Gallus Cestochouix.  
27. Iulij  
1657. ætat.  
30c.

Charitas.

Paupertas.

Mortific.

Charitas.

Mortif.

**E**Rga Caluomontanum in patria sua Collegium, aded fuit beneficus, vt confundatoris quod aiunt, nomen tulerit. Cum Collegio Mussipontano præflet difficillimis temporibus, in publica inopia quatuor circiter francorum millia ad opem egenis ferendam corrasit; paratus etiam sceleram supellestem argenteam erogare, si liceret. Veste vsus est aded attrita, vt vix adhiberi potuerit ad eum in illa tumulandum. Habeo id ex eo qui eum vidit Parisiis cælo valde frigidum vnica, eaque perenni ac æstiuâ veste vt, non admittens vllâ è panno subuculâ. Lectulus illi erant nudi asseres; vnus alterus liber, ceruical; palium reliquam lecti supellestem supplebat. Aliquando humile scamnum illi & pro lectulo & pro mensula fuit. Somnus quoque ac cibus perparcus. Toto anno, Dominicis ferè tantum exceptis, ieiunabat. Toto licet die aliquando in animarum adiuuandarum laboribus versaretur, tamen ne tum quidem totam noctem somno indulgebat, nocte dimidiâ ad orandum, legendum, scribendumque impensa. In Poloniam cum Regina profectus aulae toti religioso exemplo fuit. In Silesia hospitium ei destinatum, alij quidam è ministris Regiis per iniuriam occuparant. Siluit Guilielmus, & cælo asperimus, sub dio pernoctauit; vtque malum in bono vinceret, eorum cuidam ægro, ipse quoque infirmus, dedit suum lectulum meliorem, ipse longè deteriore contentus. Cum catenam quâ utebatur, supremum æger in lateribus gestare iam non posset, morbo, & maiorum imperio prohibitus; illam gestabat è collo: quod signum

esse aiebat, se Deiparæ esse captiuum. Cestochouix, in honorem Deiparæ istic celeberrimæ, nouendiales preces pie instituit; vt veram, quemadmodum aiebat ipse, & solidam humanarum rerum despicientiam ab ea impetraret. Iam æger, quærebat è socio quem in diem incideret S. Iacobi festum. Eo autem festo illucescente, pie exclamans, Breui tandem, aiebat, Deo benè faciente, fiet ærumnis meis modus! Cum quora esset hora rogasset, ac secundam post meridiem esse audisset; Benedictus Deus, inquit, vna mihi superest laborum hora. Et ita vt dixerat euenit. Corpus à religiosis S. Pauli primi Eremitæ Patribus & exequiis honoratū, & sub ara sacelli Marianis miraculis clari ad dextrum lateris conditum est. Aiunt eum visis etiam cælestibus, & quibusdam admiratione dignis claruisse. Ex quorum numero non postremum censent illum, quod in morbo ante supremum proximo S. Nicolaus, vt aiunt, ei se spectabilem præbens, illum de ope suâ implorandâ dicatur monuisse; & (an tunc an aliâs, incertum esse ait epistola) exhibuerit oculis ægrotantis varia chartacea emblemata, singula vocibus hisce inscripta: Polonia vastabitur: at orandum. in quorum vltimo hæc legit: Polonia restituetur in integrum: at orandum. Fide dignissimi testes vulgarunt, se ab illo tacere iussos dum viueret, quod febres solâ manuum impositione non semel dispulerit. Frustra ex eius baculo ligneo simplici dicuntur vestes quas contingunt odore miro imbuere. Proximâ post mortem Cestochouix obitam nocte, quidam de Societate sanctæ testatus est, videri sibi visum, auditumque P. Guilielmum quasi per ambulacrum ad aram primariam iret, cantaretque *Gloria Patri* &c. Nobilis fœmina, quæ auersum à se Regiæ animum dolebat, opem

27.

Mon.

S. Nicolaus.

Oratio.

SSS. Trin.

opem P. Guilielmi implorauit, & sensit. Etenim eum sibi præsentem videre post mortem visa, se ad eius pedes abiecit, illo ex oculis abeunte. Persuasit deinde marito, vt voto concepto sacrificia aliquot curarentur in hono-

rem SSS. Trinitatis, cuius cultui P. Guilielmum impensè addictum fuisse constabat. Curata sunt sacrificia, & Regina hæctenus inexorabilis, mirâ facilitate ac liberalitate illam, cui antea infensior videbatur, hilarauit.

## XXVI. DIE IULII.

P. MARTINVS  
SMIGLETIVS,

15 Iulij Po-  
lonus Ca-  
lisi. 168.  
27at 6.  
Soc. 38.

Fia collo-  
quia.

Institia.

Plj sermonis in familiari congressu miscendi egregius fuit artifex non sine ingenio inserendi, & elisum restituendi: id quod erat insigne diuini amoris indicium, quem aliquando ferè extra se positus vultu quoque ipso sanctè prodebat. Cùm 15. ferè esset annorum, puer illi æqualis post mortem ei apparuisse fertur, & rogasse vt libros quosdam (quos ipse à condiscipulis olim viuus ad vsum acceperat) reddi curaret iis ad quos spectabant nominatim expressis, id quod Martinus accuratè est executus. Contra hæreticos quâ calamo, quâ disputatrice linguâ, cum victoria celebri non semel decertauit. Familiare id est hæreticis, vt insigni quopiam contra eum à quo victi sunt mendacio fucum faciant populo. Idipsum cum Smigletio eorum cuiuspiam infeliciter vsu venit, Deo rem non dissimulante. Disputarat vilnæ contra Caluinum palam & præclare victor Martinus. Digressis omnibus, Gabriel è Regis aula iuuenis hæreticus victum ex arena cessisse Martinum affirmans, mendacio fidem vt adstrueret malè se execrari cœpit ni verum diceret. Audiuit imprecantis diras, ac mendacium Deus; & periurus ille ita vt sibi malè fuerat imprecatus constringi sibi gut-

tur sentiens, angi suffocarique se vidit in arctum redactus. Verùm vbi se ab iis qui aderant adiutum aduertit, pœnâ mendacij minimè agnitâ, iterum malè sibi precari ac iurare perrexit, affirmareque verum fuisse, quod dixerat de victo Martino. Tū verò quem Deus indulgenter hæctenus tantum terruerat tunc plectere voluit, vt vocant, in flagranti. Namque qui eum & peierantem audiebant, & ne offocaretur adiuuerant, aduertère stupentes repentindè illum iterum ad extrema redactum hætere, stupere, angi, constringi gutture periuram animam agere, suffocari, denique strangulatu miserabili collapsum planè intermori, magnum periurij, ac defensæ à Deo Martini seu Famæ seu Fidei documentum.

Fides.

P. NICOLAVS  
HENINGIVS.

EX hæresi puer ad orthodoxam fidem, deinde ad Societatem conuolauit, & Posnaniæ ac Torunij in Polonia Germanicâ ad concionem dicem magnas rei Catholicæ accessiones fecit. Paupertatem amore singulari complexus exquisitè illam colebat, vbi que Breuiarij vetustate iam laceri pagellas calamo supplebat; vestibus quoque laceris delectatus. Deiparæ cultum alebat quotidiano eius officio,

Germanus  
Torunij.  
16. Iulij.

Fides.

Paupertas.